

Wednesday Night Nach at Beth Abraham – Winter 5783 series

***One of Dovid's Greatest Grandsons:
Stories, Tefillos and Miracles of Chizkiyahu***

Exploring some of the spiritual growth, personal struggles and military miracles that marked the lives of King Chizkiyahu and Yeshayahu ha-Navi.

**חזקיהו המלך - ד'
מלכים (ב' סוף פרק כ') – חזקיהו ובבל**

(יב) בעת ההיא שלח בראדך בלאדן בן בלאדן מלך בבל ספרים ומנחה אל חזקיהו כי שמע כי חלה חזקיהו.

(יג) וישמע עליהם חזקיהו ויראם את כל בית נכתה את הכסף ואת הזהב ואת הבשמים ואת שמן הטוב ואת בית כליו ואת כל אשר נמצא באוצרתיו לא היה דבר אשר לא הראם חזקיהו בביתו ובכל ממשלתו.

(יד) ויבא ישעיהו הנביא אל המלך חזקיהו ויאמר אליו מה אמרו האנשים האלה ומאין יבאו אליך ויאמר חזקיהו מארץ רחוקה באו מבבל.

(טו) ויאמר מה ראו בביתך ויאמר חזקיהו את כל אשר בביתי ראו לא היה דבר אשר לא הראיתם באצולתי.

(טז) ויאמר ישעיהו אל חזקיהו שמע דבר יהוה.

(יז) הנה ימים באים ונשא כל אשר בביתך ואשר אצרו אבתך עד היום הזה בבליה לא יותר דבר אמר יהוה.

(יח) ומבניך אשר יצאו ממך אשר תוליד יקח [יקחו] והיו סריסים בהיכל מלך בבל.

(יט) ויאמר חזקיהו אל ישעיהו טוב דבר יהוה אשר דברת ויאמר הלוא אם שלום ואמת יהיה בימי.

(כ) ויתר דברי חזקיהו וכל גבורתו ואשר עשה את הברכה ואת התעלה ויבא את המים העירה הלא הם כתובים על ספר דברי הימים למלכי יהודה.

(כא) וישכב חזקיהו עם אבתיו וימלך מנשה בנו תחתיו.

דברי הימים (ב' סוף פרק ל"ב)

(כ) ויתפלל חזקיהו המלך וישעיהו בן אמוץ הנביא על זאת ויזעקו השמים.

(כא) וישלח יהוה מלאך ויכחד כל גבור חיל ונגיד ושר במחנה מלך אשור וישב בבשת פנים לארצו ויבא בית אלהיו ומיציאו [ומיציאי] מעיו שם הפילהו בחרב.

(כב) ויושע יהוה את חזקיהו ואת ישבי ירושלים מיד סנחריב מלך אשור ומיד כל וינהלם מסביב.

(כג) ורבים מביאים מנחה ליהוה לירושלים ומגדנות ליחזקיהו מלך יהודה וינשא לעיני כל הגוים מאחרי כן.

(כד) בימים ההם חלה חזקיהו עד למות ויתפלל אל יהוה ויאמר לו ומופת נתן לו.

(כה) ולא כגמל עליו השיב חזקיהו כי גבה לבו ויהי עליו קצף ועל יהודה וירושלים.

(כו) ויכנע חזקיהו בגבה לבו הוא וישבי ירושלים ולא בא עליהם קצף יהוה בימי חזקיהו.

(כז) ויהי ליחזקיהו עשר וכבוד הרבה מאד ואצרות עשה לו לכסף ולזהב ולאבן יקרה ולבשמים ולמגנים ולכל כלי חמדה.

(כח) ומסכנות לתבואת דגן ותירוש ויצהר וארות לכל בהמה ובהמה ועדרים לאורות.

(כט) וערים עשה לו ומקנה צאן ובקר לרב כי נתן לו אלהים רכוש רב מאד.

(ל) והוא חזקיהו סתם את מוצא מימי גיחון העליון ויישרם למשה מערבה לעיר דויד ויצלח חזקיהו בכל מעשהו.

(לא) וכן במליצי שרי בכל המשלחים עליו לדרש המופת אשר היה בארץ עזבו האלהים לנסותו לדעת כל בלבבו.

(לב) ויתר דברי חזקיהו וחסדיו הנם כתובים בחזון ישעיהו בן אמוץ הנביא על ספר מלכי יהודה וישראל.

(לג) וישכב חזקיהו עם אבתיו ויקברהו במעלה קברי בני דויד וכבוד עשו לו במותו כל יהודה וישבי ירושלים וימלך מנשה בנו תחתיו.